

ANG NAHULMA SA SULOD SA MGA MAGTUTUO

Mensahe 7 (sumpay)

VI. Kinahanglan gyong mahulma si Cristo sa sulod nato aron mahimo tang mga anak nga hingkod nag panuigon ug mga manununod nga manunod sa panalanging gisaad sa Dios ug aron mahamtong ta sa diosnong pagkaanak—Gal. 3:14, 26, 29; 4:5-6:

- A. Niingon ang Galacia 3:26, “Mga anak man mong tanan sa Dios pinaagi sa pagtuo diha ni Cristo Jesus”; nagpasabot ang pamulong *mga anak sa Dios* sa mga anak nga hingkod nag panuigon.
- B. Diha sa daang tugon, giisip nga mga puya ang piniling katawhan sa Dios; karon, diha sa bag-ong tugon, giisip sila nga mga anak nga hingkod nag panuigon, nga manunod sa panalanging gisaad—sa malangkobon-sa-tanan nga Espiritu ni Cristo.
- C. Mahamtong gyod unta si Cristo sa sulod nato aron mahimo tang mga manununod ug hingpit nga makapahimulos sa Tulo-usang Dios nga panulundon nato; ang Espiritu Santo mao ang pasalis sa atong panulundon—Efe. 1:13b-14; 1 Ped. 1:4.
- D. Mag-ampo gyod ta nga dad-on ta sa Ginoo nga magsinati ug magpahimulos ni Cristo, nga gipanganak nganhi nato, nabuhi karon sa sulod nato, ug mahulma sa atong sulod sa pagkahamtong nato aron mahimo tang mga anak nga hingkod nag panuigon ug mga manununod nga manunod sa panalanging gisaad sa Dios ug aron mahamtong ta sa diosnong pagkaanak—Gal. 3:29; 4:6, 19.

Mensahe 8

**Ang Paagi sa Pagdawat, Pagsinati, ug Pagpahimulos
sa Malangkobon-sa-tanan nga Cristo isip Espiritung
Malangkobon-sa-tanan nga Naghatag-og-kinabuhi—
ang Kinatibuk-an sa Nagsakop-sa-tanan nga Panalangin
sa Hingpit nga Ebanghelyo sa Dios**

Basahong Kasulatan: Gal. 1:15a, 16a; 2:20; 4:19; 3:14

- I. **Gipadayag sa Galacia nga ang plano sa Dios segun sa Iyang gika-himut-an mao ang pag-umol ni Cristo mismo nganhi nato; ang labing daotan, matod pa sa Galacia, mao ang pagpasimang sa mga tawo gikan ni Cristo—Efe. 1:5; Gal. 1:4-17; 2:20; 4:19; *Mga Alawiton*, #538.**
- II. **Gipakita sa Galacia si Cristo nga tulo-ka-pilong kaliwat sa tawo alang sa pagpaambit sa Dios sa Iyang Kaugalingon sa mga magtutuo ni Cristo aron matuman ang Iyang pamatigayon—3:16; Gen. 3:15; Gal. 4:4; Luc. 8:5a, 11; Juan 12:24:**
 - A. Nagtimaan si Cristo nga kaliwat sa babaye sa nagpakatawo nga Cristo, ang kompletong Dios nga nahimong hingpit nga tawo pinaagi sa pagpaambit sa Iyang Kaugalingon nganha sa tawo aron molaglag ni Satanas ug moluwas sa mga magtutuo ni Cristo gikan sa sala ug kamatayon—Gen. 3:15; Isa. 7:14; Mat. 1:16, 20-21, 23; Gal. 4:4; Juan 1:1, 14; Heb. 2:14; 1 Cor. 15:53-57.
 - B. Si Cristo ang kaliwat ni Abraham aron mapanalanginan ang tanang pamilya sa yuta; nahimong Espiritung taghatag-og-kinabuhi ang bug-tong-talagsaong kaliwat ni Abraham isip kataposang Adam, nga mao ang panalangin ni Abraham (ang realidad sa maayong yuta), aron mapaambit ang Iyang Kaugalingon sa mga magtutuo ni Cristo ug mahimo silang hiniusang kaliwat ni Abraham—Gen. 12:2-3, 7; 17:7-8; Gal. 3:14, 16, 29; Juan 14:17-20; 1 Cor. 15:45b; Juan 12:24; Isa. 53:10.
 - C. Nagpasabot si Cristo nga kaliwat ni David sa nabanhawng Cristo, nga nagtuman sa pamatigayon sa Dios sa Bag-ong Tugon aron mapaambit ang nahikay nga Tulo-usang Dios sa mga bahin sa Iyang Lawas aron makaambit sila sa Iyang pagkahari diha sa pagkabanhaw Niya sa walay kataposang gingharian—2 Sam. 7:12-14a; Mat. 22:42-45; Rom. 1:3; Bug. 22:16; Buh. 2:30-31; Mat. 16:16-18; Bug. 20:4, 6:
 1. Ang dakong bukid, ang gingharian sa Dios nga molukop sa tibuok yuta, sa Daniel 2:34-35, mao ang hiniusang tulo-ka-pilong kaliwat sa tawo, nga naglakip sa tanang magtutuo ni Cristo—itandi sa Mar. 4:26.
 2. Pinaagi ni Cristo nga tulo-ka-pilong kaliwat sa tawo, nawala ang tanang kaaway, naa ang panalangin, ug naa ta sa gingharian; kini ang pinadayag sa tibuok Biblia.

Mensahe 8 (sumpay)

III. Gipadayag sa Galacia ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi—ang kinatibukan sa nagsakop-sa-tanan nga panalangin sa hingpit nga ebanghelyo sa Dios—3:14:

- A. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pagpadayag sa Dios ni Cristo kanato; nagkinabuhi ta sa Cristohanong kinabuhi sumala ni Cristo nga nakita nato—1:16a; Efe. 1:17; Gen. 13:14-18; Efe. 3:8, 19:
1. Walay labaw nga makapahimuot sa Dios kaysa pagpadayag sa buhing persona sa Anak sa Dios kanato—Gal. 1:15a, 16a; 2 Cor. 3:14-17; 4:3-6.
 2. Labi nga sulodnon, subjectibong pinadayag ang madawat nato sa Anak sa Dios, labi sab Siyang mabuhi sa sulod nato; labi Siyang mabuhi nato, labi sab Siyang matinuod kanato nga malangkobon-sa-tanan nga yuta isip panalangin ni Abraham, ang panalangin sa Espiritung malangkobon-sa-tanan nga naghatag-og-kinabuhi—Gal. 2:20, 3:14.
 3. Kon biyaan nato ang atong mga hunahuna, pabalikon ang atong kasingkasing sa Ginoo, magtagad sa espiritu, ug mogugol og panahon diha sa Pulong sa espiritu ug kahimtangan sa pag-ampo, ipadayag si Cristo kanato, mabuhi Siya sa sulod nato, ug mahulma sa sulod nato—1:15a, 16a; 2:20; 4:19:
 - a. Biyaan gyod nato ang atong mga hunahuna; tanang hunahuna, espirituhanon ba o unodnon, taptap man; naa sa atong espiritu pinaagi sa nahayagang salabotan nato kining sulodnong pagpadayag—2 Cor. 3:14-15; 4:4; Efe. 1:17-18; Luc. 24:45.
 - b. Pabalikon gyod nato sa Ginoo ang atong kasingkasing; labi natong pabalikon sa Ginoo ang atong kasingkasing, magkagamay sab ang luna sa dios ning panahona sa atong kinabuhi ug pagkatawo, ug maanaa dayon ta sa paghayag sa langitnong kaha-yag aron sulodnong mapadaygan ning buhing persona—2 Cor. 3:16, 18.
 - c. Magtagad gyod ta sa atong espiritu; naa man sa atong espiritu naghayag ang Espiritu, nagpadayag ni Cristo kanato ug namulong kanato bahin ni Cristo—Efe. 1:17; 3:5; itandi sa Bug. 1:10; 2:7.
 - d. Mag-ampo-basa gyod ta sa Pulong—Efe. 6:17-18.
 4. Mapuno gyod ta sa pinadayag sa Anak sa Dios ug sa ingon niana mahimong bag-ong binuhat nga may Cristo nga nabuhi sa sulod nato, nahulma sa sulod nato, ug kanunayng gipahimuslan nato ingon nga Espiritung malangkobon-sa-tanan—Gal. 6:14-15.

Mensahe 8 (sumpay)

- B. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pagdawat nato ni Cristo gumikan sa pagpamati sa pagtuo—Gal. 3:2:
1. Ang pagtuo sa mga magtutuo mao si Cristo nga nisulod kanila aron mahimong pagtuo nila, nga naghimo sa ilang espiritu nga espiritu sa pagtuo—Heb. 12:2a; Gal. 2:16; Rom. 3:22; 2 Cor. 4:13.
 2. Naggikan sa pagkadungog sa pulong ang pagtuo—Rom. 10:17.
 3. Ang pagtuo motuo man nga ang Dios mao ug dili ta mao; nagpawalay pulos gyod nato ang pagtuo ug nagpadayag ni Cristo kanato—Heb. 11:6; Gen. 5:24; Juan 8:58; Gal. 2:20.
 4. Ang mga magtutuo mga bahin man sa pamilya, sa panimalay, sa pagtuo; kining panimalay sa pagtuo panimalay man nga nituo sa Dios pinaagi sa Iyang pulong—6:10.
- C. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pag-anak sumala sa Espiritu ug sa paghatag sa Espiritu sa Anak sa Dios sa atong kasingkasing—4:29b, 6.
- D. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pagsul-ob nato ni Cristo diha sa bautismo nga nagbutang nato ngadto ni Cristo—3:27.
- E. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pagkausa nato Niya sa Iyang kamatayon aron dili na kita ang mabuhi, kondili si Cristo ang nabuhi sa sulod nato; ug ang kinabuhing gikinabuhi nato karon sa unod, gikinabuhi nato sa pagtuo ni Cristo—2:20:
1. Nagpasabot ang mausa ni Cristo nga ma-usa ka espiritu Niya ug ma-usa ka persona man ngani Niya—1 Cor. 15:45b; 6:17; Fil. 1:20-21a.
 2. Nausa ta ni Cristo sa Iyang kamatayon aron dili na kita ang mabuhi, kondili si Cristo ang nabuhi sa sulod nato—Rom. 6:3-4; Gal. 2:20.
 3. Nagkinabuhi ta nianang kinabuhia diha ni Cristo nga atong pagtuo; ang tinuod nga pagtuo mao si Cristo mismo nga gipatuhop kanato aron magdayeg ta Niya ingon nga reaksyon sa Iyang pagdani—v. 20b; 2 Cor. 5:14-15; Heb. 12:2a.
- F. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga naghatag-og-kinabuhi pinaagi man sa pagkinabuhi ug paggawi pinaagi sa Espiritu—Gal. 5:16, 25.

Mensahe 8 (sumpay)

- G. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga nag-hatag-og-kinabuhi pinaagi man sa pagkahulma ni Cristo sa sulod nato pinaagi sa pagbati—4:19.
- H. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga nag-hatag-og-kinabuhi pinaagi man sa pagpugas ngadto sa Espiritu nga dunay tinguha ug tumong sa Espiritu, aron maghuman sa gitinguha niini—6:7-8.
- I. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga nag-hatag-og-kinabuhi pinaagi man sa pagpasigarbo sa krus ni Cristo ug pagkinabuhi sa bag-ong kabuhatan—vv. 14-15.
- J. Ang paagi sa pagdawat, pagsinati, ug pagpahimulos sa malangkobon-sa-tanan nga Cristo isip Espiritung malangkobon-sa-tanan nga nag-hatag-og-kinabuhi pinaagi man sa grasya ni Ginoong Jesucristo sa atong espiritu—vv. 17-18.